



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

**Parisiis, 1644**

Conciliabvlvm Tvronense, Contra Ivlivm Pontificem in Gallia celebratum  
anno Domini MDX.

**urn:nbn:de:hbz:466:1-15644**

Iulius quæ  
bella gessit.

Concilia-  
bulum Pi-  
sanum.

Iulius li-  
beratis ec-  
clesiasticæ  
studiosissi-  
mus.

Obitus  
Iulii.

Hispania glande traiectus occubuit. Neptem ex sorore Marco Antonio Columnæ desponsauit. Cumque ad restituendum statum ecclesiasticum animum conuertisset, Ioannem Bentiuolum Bononiæ violentum inuaforem fugauit, initoque cum principibus Christianis fœdere contra Venetos, latam in se anathematis sententiam ob Arimini & Rauennæ iniquam detentionem parum curantes, exercitum mouit, eosque feliciter subegit. Ducem Ferrariæ propter occupatas Salinas excommunicatum bello profligauit. Mutinam atque Mirandulam Gallico præsidio munitam expugnauit. Cumque ea de causa schismatici quidam cardinales Conciliabulum Pisenum indixissent, atque ad illud Iulium pontificem velut periturum citari procurassent, eiusdem Iulii auctoritate congregata est Romæ in Laterano vniuersalis & œcumenica Synodus, qua actis prædicti Pisani Conciliabuli annullatis & reprobatis, rex Galliæ & Florentini vna cum schismaticis cardinalibus dira anathematis sententia percussi fuerunt. In hac rerum perturbatione contra Gallos ab Hispaniæ & Angliæ regibus auxilium & subsidium implorauit & obtinuit. Venetorum & Heluetiorum copiis auxiliaribus fretus, omnem Galliarum exercitum Italiæ finibus eiecit. Maximilianum Sfortiam ducatu Mediolanensi restituit. Bononiam a Bentiuolis occupatam recuperauit. Et vt plura vno verbo dicam, libertatis ecclesiasticæ tam erat studiosus, vt frequenter diceret, indignum esse Leuitas seruire, quos ceteris imperare oporteret. Veri amantissimum fuisse fatebatur inimicus illius Alexander VI. cuius metu urbis aditu abstinebat. Multis periculis, plurimisque laboribus fractus, obiit Romæ ix. Kalendas Martii, anno Christi 1513. cum sedisset annos nouem, menses tres, dies viginti & vnum. Diuersis vicibus viginti octo cardinales creauit.

•••••  
\* CONCILIABVLVM TVRONENSE,  
CONTRA IVLIVM PONTIFICEM  
in Gallia celebratum anno Domini MDX.

ANNO  
CHRISTI  
1510.

NOTA.

Causa & \* Conciliabulum. ] De rebus in hac Synodo gestis Genebrardus li-

bro 4. chronologiæ ista refert. *Concilium Gallicanum Turonense omnium episcoporum Gallia, & plurimorum doctorum tam theologia quam iuris canonici, pro rege Francia contra pontificem Romanum. In quo decretum est, vt mitterentur ad pontificem legati, qui cum eo de pace agerent; vel, si ipsos nollet audire, eum prouocarent ad conuocandum generale Concilium.* Hæc ex chronic. Franc. Eiusdem Conciliabuli mentio habetur in mandato Maximiliani imperatoris, quod recitatur infra in actis Lateranensis Concilii sessione 3.

acta Conciliabuli.

ANNO  
 CHRISTI  
 1511.

**CONCILIABVLVM PISANVM  
 OECVMENICVM, ET REPROBATVM,**  
 contra Iulium papam indictum & congregatum anno  
 Domini M D X I. tempore ipsius Iulii papæ & Maximiliani imperatoris.

NOTA.

<sup>a</sup> *Conciliabulum.* ] Cum Iulius pontifex iurato promississet, se infra biennium suæ ordinationis vniuersale Concilium celebraturum, illudque iuste praestitisset, Bernardinus Caruaial, Guilielmus Brissonet, Rénatus de Pria, Fridericus de sancto Seuerino, ( vt constat ex sessione tertia Concilii Lateranensis ) aliique cardinales hæretici & schismatici, *conuenientes vt locusta*, inquit Iulius papa in bulla indictionis Concilii Lateranensis, quæ extat sessione 1. *acephali aggressi sunt sine Romani pontificis auctoritate œcumenicum generale atque vniuersale Concilium conuocare, locum Concilii & tempus indicere, & valus ecclesiarum, ac aliis publicis locis indictionem huiusmodi affigere, nosque ac venerabiles fratres nostros eiusdem sanctæ Romane ecclesie cardinales vocare & requirere, vt per nos vel alios ad huiusmodi eorum Concilium accedere vellemus, non formidarunt.* Ne vero hæc iniuste & per tyrannidem agere viderentur, *asserebant*, subiungens ibidem ait Iulius papa, *decennium post vltimum vniuersale Concilium contra constitutionem Constantiensis Concilii iam dudum effluxisse, & nos illud conuocare neglexisse, maxime cum iurauissemus & voluissemus illud post biennium a creatione nostra tenere, tempusque pro homine interpellare, neque credendum fore nostra auctoritate & voluntate Concilium futurum.* Et cum de grauibus criminibus notoriis durantibus vniuersalem ecclesiam scandalizantibus in capite agendum foret, ad summum pontificem Concilii congregationem non attrinere, sed secundo loco ad cardinales qui pontifici in negligentia non adhaerunt, conuocationem Concilii spectare. Hæc de causâ indicti Conciliabuli Iulius papa in bulla; addens eosdem ad tegendam facti sui turpitudinem, omnia mandata sua sub nomine Maximiliani imperatoris & Ludouici regis Francorum promulgasse, ipsis vero regi & imperatori nihil hac de re constituisse. Præter ea quæ de citatis pontifice & cardinalibus quibusdam supra diximus, ad acta

Conciliabulum a schismaticis cardinalibus indictum.

Contra Iulium pontificem cur indixerint.

Maximiliano imperatore inficio pontifex vocatus.

Concil. Tom. 34.

I ij